

# PESAN PASAL REGANG



Lesson 2 for July 11, 2026


“Laban pesan pasal regang nya utai  
ti beli ba orang ti deka mati, tang  
ba kitai ti diselamatka, iya nya  
kuasa Allah Taala”  
(1 Korint 1:18, NIV)



**1 Korint 1:17-31 bejaku pasal chara regang meri empas ngagai pengidup mensia.**

**Ba orang ti arap, regang nya lambang pengelepas. Tang ba orang ke idup ba kurun keterubah, regang semina ngambarka pemat ti ngemalu orang ke ngereja penyalah.**

**Diselamatka ari pemat ba kayu regang lalu udah nya angkat idup baru? Ba mensia, nya utai ti beli, nadai masuk akal, reti pengelemi. Tang ba kitai ti udah muka ati kitai ngagai kangau Roh Kudus, regang nya “kuasa Allah Taala, [...] penemu-dalam, pengelurus, pengudus enggau penebus” (1 Kor. 1:18, 30).**



**Penemu ari Allah Taala .**

**Regang ti gila.**

**Kuasa Tuhan .**

**Pesan pasal regang .**

**Pemeli enggau pengelemi Allah Taala .**

# PENEMU ARI ALLAH TAALA

**“Tang ngagai orang ke udah dikangauka Allah Taala, nemuka nya orang Judah enggau orang bansa bukai, Kristus nya kuasa enggau penemu-dalam Allah Taala.” (1 Korint 1:24)**



**Ba Athens, Paul udah ngena penemu mensia nguji ngasuh orang ke bepenemu-dalam nya pechaya. Berengkah ari nya, iya mutuska deka ngena penemu ari Petara aja.**

**Allah Taala Empu udah ngirumka iya nusui pesan Iya “enda ngena jaku ti datai ari penemu-dalam mensia, ngambika regang Kristus enda lenyau kuasa” (1 Kor. 1:17 NIV).**

**Nama penemu ari Allah Taala ti dipadahka Paul?**

**Penemu-dalam Allah Taala ngerusak “penemu-dalam orang ke bepenemu-dalam”; iya muai “pemereti ati orang ke bepenemu-dalam” (1 Kor. 1:19); lalu “udah ngaga ... penemu dunya nyadi beli” (1 Kor. 1:20).**

**Bebida enggau semua akal mensia, penemu-dalam Allah Taala nyengkaum “nyelamatkan orang ti arap ngena jaku ajar ti beli” (1 Korint 1:21).**





**Leka jaku Gerika mōria (gila, beli, tambab) dikena lima kali dalam 1 Korint:**

“Pesan pasal regang nya utai ti beli ba orang ti deka mati” (1 Korint 1:18)

“Allah Taala gaga ati deka nyelamatkan orang ke arap ngena pesan ti beli” (1 Kor. 1:21)

“Kristus ti diregang, [...] utai ti beli ba orang bansa buhai” (1 Kor. 1:23)

“Ba mensia [...] utai ti diberi Roh Petara [...] nya utai ti beli” (1 Kor. 2:14)

“Laban penemu-dalam dunya tu beli di mua Allah Taala” (1 Korint 3:19)

# REGANG TI GILA

“tang kami nusui pasal Kristus ti udah diregang, utai ti ngasuh orang Judah tesangkut, lalu utai ti beli ngagai orang bansa buhai” (1 Korint 1:23)



Regang nya utai ti beli ba sida ti tesat; ngagai orang ke enda ngelala Allah Taala (orang bansa buhai); ngagai sida ti semina berundingka dunya tu (mensia semula jadi); ngagai orang ti semina diperintah ngena penemu diri empu aja.

Tang regang nya berekat ngagai orang ti udah diselamatkan, iya nya ngagai orang ti sanggup meda regang ari sukut Allah Taala.

# KUASA TUHAN

“Laban pesan pasal regang nya utai ti beli ba orang ke deka mati, tang ba kitai ke diselamatkan, iya nya kuasa Allah Taala.” (1 Korint 1:18)

Regang bisi kuasa ngayanka utai ti pemadu jai ari mensia enggau utai ti pemadu manah ari Allah Taala (1 Kor. 1:18).

Pemadu jai ari  
mensia

Pemadu manah  
Petara

Gila

Kuasa

Penulak

Nerima

Ngerusak  
diriempu


Pengampun

Pengerusak

Pengelepas

Sida ti nulak regang ngetau asil ari pengawa sida ti salah, lalu pengujung iya deka dirusak ulih Iya ti ditulak sida.

Kuasa Allah Taala, ti diayanka ba kayu regang, ulih mai mensia bebaik enggau Allah Taala nengah chara ngampun semua dosa iya, lalu meri iya pengidup ti meruan belama iya (Kol. 1:20; 1P. 2:24).



# PESAN PASAL REGANG

"Nya alai laban dunya ngena penemu dalam sida empu sida enda ngelala Allah Taala. Tang Allah Taala gaga ati laban ngena pemeli penemu ti ditusui nya nyelamatkan orang ke arap" (1 Korint 1:21)

Nama kebuah pengawa nusui pesan regang nya utai ti beli (1 Korint 1:21-24)?

Orang Judah nganti Messiah ke deka ngelepaska sida ari diperinsa orang Rome. Lebu Jesus madahka diri deka diregang, bala murid iya empu balat takut. Tambah mega, ba orang Judah, orang ke digantung ba kayu nya orang ke disumpah Allah Taala (Ulang Adat 21:23). Ba orang bansa bukai, ti enda ngarapka Penebus, simpul penemu iya sama: regang nya gila.

Tang taja pia, ba bala melikat, pesan pasal regang nya utai ti bebida bendar. Jesus ti udah dikelala sida di Serega, ngelakka diri dibunuh ketegal pengerindu ngagai bansa ti udah nulak iya. Tu meh gaya tinjau penemu ari genap sukut ti deka dikenataika Paul nengah pengawa nginjil iya.

Pesan regang nunjukka ni naka penyauh Allah Taala udah sanggup mansang meri kitai pengelepas.



# PEMELI ENGGAU PENGELEMI ALLAH TAALA

Laban pemeli Allah Taala pintar agi ari penemu-dalam mensia, lalu pengelemi Allah Taala kering agi ari pengering mensia.” (1 Korint 1:25)

Kati Allah Taala nya beli tauka lemi (1 Kor. 1:25)?

Endang enda bakanya, laban Petara nadai utai ti enda sempurna. Paul semina ngaga banding cara ngerambang: Enti Petara bisi runding ti beli, Iya deka pintar agi ari runding ti pemadu pintar orang; tauka enti bisi sebarang penemu ti lemi dalam Petara, iya deka jauh kering agi ari penemu mensia ti pemadu tegap.



Semua penemu ti digumpul ari orang ti pemadu pintar enda ulih meri perambu kena ngelepas ke mensia.

Semina Allah Taala aja udah ulih meri penebus, nengah kuasa piring Jesus ti diberi ba kayu regang, “ngagai orang ti diselamatkan” (1 Kor. 1:18); “ngagai orang ke arap” (1 Kor. 1:21); enggau “ngagai orang ke udah dikangau” (1 Kor. 1:24).

Kingatka meh, semina orang ti arapka Jesus ti nyaut kangau Roh Kudus aja deka diselamatkan .



**"Ba runding mayuh orang ke idup maya diatu, regang Kalvari dikelingi pengineat ti kudus. Gerempong ti kudus dikaitka enggau tempat endur ngeregang. Tang ba jeman Paul regang dipeda enggau asa ati ti takut sereta ngeri. Dikena ngetanka Juruselamat mensia ke udah mati ba kayu regang, ti nyadi ka penyerkang ti ngasoh nadai arap. [...] Iya deka dipeda baka orang ti lemi runding ketegal nguji nunjukka baka ni regang ulih bisi kaul enggau pengangkat bansa tauka pengelepas mensia. Tang ba Paul regang nya siti utai ti pemadu dikerinduka [...] Iya nemu ari peneleba diri empu, lebuah orang bedosa meda pengerindu Apai meri Anak diri ka genselan lalu sanggup nyerah diri ngagai kuasa ti kudus, ati deka berubah lalu berengkah nemu Kristus nya semua utai sereta dalam semua utai."**